

(Ciep geizgonq)

Gij neix, bouxgvan rox youq ndawsim.

Meh Lanz youq yihyen ndwen ndeu couh okyen. Ma daengz ndaw ranz, meh Lanz lij son bouxgvan hag guh hongranz. Gvan cawj haeux, meh Lanz youq henz yawj de coh rek dem raemx, dem geij lai raemx, cuengq geij lai haeux, haeux cawj daengz baenzlawz yiengh cij ndei gwn, meh Lanz cungj naeuz hawj gvan. Meh Lanz lumj boux lauxsae son hagseng iq nei, naihsim saeqsim son de cau byaek, swiq buh, moix ngoenz lij cungj daezsing de gwn yw……

Cawjgwn, swiq buh, hag ndaej ca mbouj geijlai lo, hoeng gwn yw saeh neix gvan cungj mbouj geiq ndaej. Boux baenz binghdangzniu aeu ciuqseiz gwn haeux gwn yw, ciuqseiz dajcim dem. Bouxgvan geiq fwen baenzneix ak, baenzlawz doiq yw binghdangzniu youh lumz ndaej gaxlaih ngaih ne?

Meh Lanz siengj, gou vanzlij caengz ndaej dai ha!

Gyanghaemh, goenglauX ninz youq henzndang meh Lanz, cingznaek naeuz: “Gizsaed, cawj haeux swiq buh gou caeux hag ndaej rox lo, doiq binghdangzniu gou goj rox baenzlawz yw. Hoeng gou siengj, mwngz cungj gvaqniemh gou, couh mbouj liz gou. Youq ndawmbanj gou, miz aen goj baenzneix ndeu: Miz doiq beixnuengx ndeu, bohmeX dai caeux, daegnuengx cij ndaej 3 bi, song beixnuengx baenzlawz cij gvaq ndaej ciuhvunz ha! Doeklaeng, ngamq ndaej 10 bi, daeggo cij baenz loh bingh gvaiq ndeu, canghyw naeuz, daeggo baenz bingh neix, hojnaengz seizseiz fwt dai bae. Daeggo vih hawj daegnuengx miz baengh, moix ngoenz youq ndaw sim doiq swHgeij naeuz, hawj gou lai liX ngoenz ndeu, daegnuengx couh ndaej baengh lai ngoenz. De moix ngoenz ninz ndiu hwnq daeuj, couh danq naeuz, daegnuengx youh maj hung ngoenz ndeu. Couh baenzneix, moix ngoenz damzgangj, daegnuengx gaenq ndaej 18 bi, daeggo swHgeij gingqyienz daengz 18 bi mbouj dai.



Neix dwg daeggo gvaqniemh daegnuengx, cij ndaej liX roengzdaeuj. Dungzyiengh, gou hix muengh mwngz ciengxlwenx gvaqniemh gou, ciengxlwenx mbouj liz gou……”

Meh Lanz haenX naeuz: “Daeggo neix caen hungmbwk ha!”

GoenglauX riunyumnyum mbouj dapvah.

Saedceih, youq geij bi gaxgonq,

goenglauX daiq meh Lanz bae yihyen yawj bingh seiz, couh raen miz vwndiz lo. Vih mbouj hawj meh Lanz yousim, goenglauX mbouj hawj de rox bingh. Daengz seizneix, goenglauX lij cang roengzbae, cijaeu meh Lanz ndaej liX roengzdaeuj.

Seiqgyaiq caen miz baenzneix geizcik, meh Lanz aenvih gvaqniemh bouxgvan, de gingqyienz ngauz gvaq

liux 30 ngoenz yawh dai haenX. It aen 30 ngoenz, youh it aen 30 ngoenz, hajcib aen 30 ngoenz gvaqbae lo, aenmbwn hawj meh Lanz liX roengzdaeuj!

Ngoenz ndeu banhaemh, ndit banhaemh ciuq roengzdaeuj hoengzfwdfwd, meh Lanz caeuq bouxgvan byaij youq ndawgyang benq dieg byaekvahenj henjrwgrwg ndeu. Meh Lanz sawqmwh cam bouxgvan naeuz: “Gou gig siengj bae mbanj mwngz yawj mwngz gangj boux daeggo haenX!”

GoenglauX nyengrwz mbat ndeu, sikhaek youh riuhaha: “Gyae youq henzmbwn, gyawj youq doiqnaj.”

Meh Lanz dingq le sikhaek roxnyinh: “A, yienzlaiz, duzyou ndawsim gou dwg mwngz ha!”

Seizneix, gwnzmbwn gaiqreih byaekvahenj rwenz hwnj singriu angqyangz song bouxlauX neix……

Neix cingq dwg:

Doiq fwen hawj vunz byaij doengzcaez

Gvaqniemh hawj vunz ndaej naihsouh

Baenzneix gvanbaz miz geij boux

Dieg Cuengh goj ndei gangj mbouj caez.

(sat)

Sai:Soengq nuengx ok baema,
Beix raemxda hix gyienx;
Song vunz boux youq mbiengj,
Saed nanz siengj ndaej lumz.

Mbwk: Beix soengq nuengx baema,
Mwngz raemxda gaej gyienx;
Raeuz caez naemj caemh siengj,
Song mbiengj sim doxlienX.

Sai: Doxbiek boux youq mbiengj,
Beix caen siengj mwngz lai,
Muengh mwngz dahnuengx gvai;
Gaej baenzvaiq baema.

Mbwk: Nuengx cek beix baema,
Ranz miz naz youh reih;
Baenzvunz daeuj dangseiq,
Hix geiq dwg guhhong.



Sai:Bouxvunz dang beksingq,
Hong itdingh dwg meiz(miz);
Cungj ndaej vangq saekseiz,
Hongnyaq ndei cix daeuj.

Mbwk: Gangj hwnj raeuz nyaenX

ngamj,
Saed dangq song gvanbaz;
Lumj doengz doiq roegga,
Lawzlawz ra guhdoih.

Sai:Caen dwg ndaej yienghneix,
Nuengx cix gyaez baema;
Sohsoh byaij daengz gya,
Gaej hawj ca(ci) loeng loh.

Mbwk: Beix doxdauq baema,
Gaej youh va linghduenh;
Coenzvah dwk faen duenX,
Raeuz laeg cuenq sim vunz.

Caез: Beix nuengx mwngz ndei byaij,
Caez cuenq naj baema;
Cou guh sat reihnaz,
Menh daeuj ra guhdoih.

25、Dawz Ndei Bakdou Baihnamz Guek Raeuz

Gvangjsih dwg aen bakdou baihnamz guekcoj ndeu, baihnamz miz 1595 goengleix sienqhaenzhaij, saenamz caeuq Yeznanz doxrangh ndaej 1020 goengleix. Gvangjsih Bouxcuengh Swcigih giem miz haij dieg mbwn sam yiengh henzre, youq hong ginhsw gwnzde miz gij diegvih canloz daegbied.

Veiz Gozcingh cawjguenj Gvangjsih seizde, guek raeuz cingq doiq Daizvanh yaek “fanj gung daluz” caeuq Meijgoz daj baihnamz ciemqhaeuj guek raeuz gij hangzhaep ginhsw neix. Veiz Gozcingh dwg boux goengdaeuz ceiq hung dangj cwng ginh swcigih ndeu, dawz ndei bakdou baihnamz guekcoj cix dwg hangh hongnaek de lo.

Bi 1962, Daizvanh youq Meijgoz dingjrengz caeuq dajheiq lajde,

Veiz Gozcingh Sangcieng Cawjguenj Guengjsae Ngeihcib Bi

韦国清上将主政广西二十年

□ Hoz Saubangjsii CinZ Siengzcoub Liuz Gingliuj CinZ Siengzzen hoiz

hozgyaenj dangqmaz, yaemmaeuz ciemqhah gij dieg henzhaij raeuz, dauqungz duet aeu gij “diendangz” gyoengqde deng vut haenX. Doiq dingz hingzsi neix, Veiz Gozcingh daiqlingx gij goengdaeuz gaemhong Gvangjsih Ginhgih caeuq gij goengdaeuz diegfueg, naengh feihgih humx seiqhenz Gvangjsih mbin le geij hop, cazyawj dieghingz. De caeuq boux ginhgih swHlingyenz Ouh Cifu naeuz: “Gvangjsih dieghingz fukcab, seiz gozminz dangj dwkbaih le deuz bae

Daizvanh, haujlai binglw caeuq dwzvu louz roengzdaeuj gvaq, gizneix dwg aen muzbyauh youqgaenj gyoengqde daeuj famh ndeu, raeuz itdingh yaek bwh hong ndei bae.” De caeuq gij goengdaeuz dangj cwng ginh swcigih haenX lai baez ngeixyaeng, cingsim baijbouh, gyagiengz bing minz lienzfueg, seizseiz yaek dingjhoenX vunzdig mauhyiemj daeuj ciemq. Gijneix doiq faenjsoiq gij yaemmaeuz Daizvanh gig miz cozyung.

Daj bi 1964 hwnj, Meijgoz hoenX

Yeznanz yied ngoenz yied haenq, de caq gij dieg baihbaek Yeznanz gonq, liux le youh cigsoh okbing. Gij feihgih Meijgoz lij goengyienz haeujciemq rangh gwnzmbwn Guengjsae、Yinznanz caeuq Haijnanz guek raeuz. Youq guekgya ancienz souh hangz yiemzcuengq le, cunghyangh haucau daengx guek bing minz gyagiengz bwhhoenX, seizseiz bae dingj Meijgoz daeuj hangz.

(caengz sat)